


Latja, gia ta rakla ninna diros baby!

Butare avri chibangledsaj asjar antjiron nukkon najst rakla. Kej gla diro efa patjar pre sarr diro nasjt hilpra diros nukko ta rakla chib!



Bokstart

Libraagra asjar jekk nationalo mengrepa tjaker asjar to dakria ta dad ta baro manuch an tikno nukkos (0-3 bejst) niga, gla nukko tjaker sjunna ta jana kana dova honkar tikno.
bokstart.se

1 Rakla, rakla, rakla
Nukko tjaker sjunna gla ta kirra. Rakla bashi sass ta nane – nukkons chib blidra butare avri ta sjunna diro rakla!

2 Starda to raklepa
Kera ta nukkon tjaker ta van rakla. Pasja glan latjo kovar anten starda ninna kabin, nukkon tjaker penna ta dova van le kovar anten kabinen.

3 Rakla diros chib!
Rakla, gia ta randra pre diros chib. Bashi diro raklar diros chib angledsaj nukkons chib butare. Tikno nukko nasjt randra butaro chib akno.

4 Nukkon tjaker sikra
Diros nukko janar butar lav antjiron dova nasjt rakla. Rakla bahi kovar pre diros chib. Nukkon tjaker sikra. Gla diro jana sarr butaro nukkon janar.

5 Rakla bashi de diro kerar
Rakla bashi de diro ta nukkon kerar ketanes. Bashi diro ta nukkon latjar ninna jekk buddring ta diro pukar bashi buddringen hilprar de nukkon ta jana laven pre de nevo kovar.

6 Randra ta rakla
Jekk libra najst le butaro ta rakla bashi. Ta diro ta nukkon gla jekk latjo tjiron ketanes. Jura pre ta rakla bashi tellan an libran ketanes!

7 Randra, rakla ta latja ninna libra, sas divus!
Rakla baro ta but ta jura ninna truppon. Tikno nukko denkrat de asjar latjot. Dova najst jana laven bashi diro gira ta sikrar ninna truppon. penna: "Dikka jekk baro bollo", ta janar ninna diros lav ta vastarna sarr baro bollo asjar.

